

# 日本漢文學百家集

王焱  
編

284



北京燕山出版社



王焱 主編

日本漢文學百家集  
284



北京燕山出版社

第二八四册

宕陰存稿 十三卷 補遺 鹽谷世弘 著 明治三年……—

宥陰存稿  
禮



容陰存稿序

文以理為主。以氣行之。二者皆資於學。深邃則識高而理自精。學博浹則力優而氣自壯。廬陵得於理。眉山得於氣。昌黎則兼之。特極廣大精微。宜矣。昌黎之後。無復昌黎也。嗟乎。誰不知

其然而其能然者蓋鮮矣吾友  
鹽君毅。侯才大而氣豪。夙名桂  
文。猶且自視欲然。蓋咀經史之  
腴。茹百家之英。搯擢心腎。淬礪  
精神。自少而壯而老。屢變屢化。  
恍然心悟。意至而氣從。筆機靈  
活。千言立成。雄渾灑噩。洵足以

驚世絕俗矣。於是乎名聲益騰。四方績文之士。資文來謁。猶伯樂之於馬。匠石之於木。經一顧眄。聲價以定。若毅侯所謂知其然而能然者。非耶。顧予之文毅侯。殆三十年。尋而得三士。曰安君仲平。曰藤君溥風。曰藤君彬。

卿皆為時泰斗矣。徵逐盜簪。論  
治化之原。隆替之由。片善隻失。  
必贊必規。相勗以道義。時為文  
字。飲或遣興於揮灑。取適於奕  
棋。春風扇和。伴鶯醉花。秋宵澄  
清。棹月弄笛。未嘗曠旬日而不  
相見。恒自謂我四人齒相伯仲。

又共在茲土。冀得資以養老焉。  
已而彬卿溥風相繼謝世。予與  
仲平毅侯。則同徵幕府。補儒負。  
於是乎向之旬日而相見者。今  
剝日少相見。雖減其二。猶足自  
慰也。已。無幾仲平除縣令。尋而  
免。今秋毅侯亦逝矣。嗟乎知交

之難獲。有缺無補。向有四士。今則止一矣。重以西北異居。間忙不均。向之日夕相見者。今則終歲無幾相見。追想今昔。淚為隕之。頃日毅侯之嗣。誠之謀。刺遺文。請予敘之。蓋毅侯少予七歲。彬卿則八歲。嘗竊謂予之文比之

四士。所謂瞠若乎後者。豈足傳於世乎。雖然。一旦先朝露。門人小子。或不忍棄遺文。則并言之。請。固將在於二士矣。而今皆已矣。吾復何忍叙毅侯之文哉。固辭不聽。夫毅侯之文。係奎光之明晦。我惜毅侯。非特為一知己。

也。賴之以差強人意者。有仲平  
巍然獨存焉耳。不知自今以降。  
能知其然而能然者。其誰也。慨  
然歎其首。

慶應三年丁卯季冬

金陵芳野世育撰

芳野世育

大島信書

凡例

一此書刻於慶應丁卯十一月。成於明治庚午五月中間。

皇政維新。故缺字例前後不同。第一卷至第七卷。凡事係

天朝。則空二字。係故幕府。則空一字。第八卷以下。則獨於

天朝。用提頭或平頭之例。蓋刻既成者。不可復改。是議本既取

官裁不敢私決也。

一六藝論第三篇五篇及其他嘗避嫌刪除者。別作補遺收之。

一先人文稿凡數十卷。晚年精選僅存十一。即是本也。誠不敢增損。刪重複。訂魯魚。分類次之。從其素志焉耳。

明治庚午仲夏

誠識

宥陰鹽谷先生行述

先生諱世弘。字毅侯。號宥陰。一號九里香園。以文化六年四月十七日。生於江戶愛宕山下。其生也。有以箔金兜鍪遺者。因稱曰甲藏。祖南江君諱某。字松盛。伊豆人。業醫。住江戶。先考諱時義。字松生。號桃蹊。羽州大館人。先妣鹽谷氏。南江君之次女。先考本姓林氏。嗣鹽谷氏。仕濱松城主水野侯。先考幼有志節。欲以文學興家。而值國難。流離落魄。遂冒他姓。刀圭終身。非其志也。先生為兒嬉戲。常裝軍容。執麾踞床。群

童俯伏莫敢譁。先考竒之。口授句讀。朗朗上口。稍長。誦四子五經。出就外師。嶄然見頭角。十六歲入昌平校。與四方俊髦交。刻苦勉勵。夜以繼晷。先考恐其生病。數以爲言。先生陽從而陰勵。歲二十一遊關西。千里單行。文章滿囊。歸呈先考。先考說曰。兒能成吾志。吾無憾矣。越二年。先考暴病捐館舍。先生哀毀骨立。殆不欲生。服除。下帷教授。以養先妣。先生既喪家嚴。風樹之感。不能自己。承顏先意。定省溫涼。色養備至。而家道窮縮。不能具甘旨焉。松崎慊堂者。當世碩儒。